

Inatsisartut suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

**Naalackersuisunut apeqqut:**

1. Naalackersuisut qaleralinniarnermi aqutsiveqarfinnik 47-mik marloriarlutik piffissap sivikitsup ingerlanerani allannguisaarnerminni kikkut tusarniaaffiginikuuat?
  - a. Tusarniaasoqarsimappat tusarniutigineqartoq akissutigineqartullu sumi sukkullu takuneqarsinnaappat?
2. Allannguisaarnarit kingunerinik Nalunaarutit suut atuuttussanngortinneqarnikuuppat?
3. SIK Kattuffiit Tunitsiviit aalisartullu aalisakkat pisassiissutit ukiumut qanoq aalisarneqarnissaat Nalunaarusiorfigissallugu Naalackersuisut sinnerlugit pisussaaffeqarpat?
4. Naalackersuisut taamatut innersuussinerminni pineqartut aaqqissuussinissaminnik malitassaannik aaliangersagaliornikuuppat?
  - a. Taamaattoqarpallu sumi sukkullu nassaarisinnaavavut?
5. Qaammatit pingasukkaarlugit qaleralittassat pisassiissutigineqartalerneranni allaffissornermi aningaasanik qanoq annertutigisunik sipaaruteqarnissartik Naalackersuisut naatsorsuutigaat?
6. Naalackersuisut qaleralittassat aqutsiveqarfinni nungunneqarnissaat ilimanarsippat TAC-p qaavatigut kulturikkut pisassiissutinik taajuuserlugit ilasisarnissartik siunertarivaat?
  - a. Taamaattoqassappallu iliusissat periusissallu suut malittaralugit pisassiisoqartassava?
  - b. Periuseq tamanna atuutsinneqalissappat allaffissornermut qanoq sunniuteqassua?
7. Ukiuni kingullerni tallimani sinerissap qanittuani qaleralittassat ilaannik Naalackersuisut avataanut nuussisarnikuuppat?
  - a. Ukiunilu taakkunani tons qanoq annertutigisut sinerissap qanittuaniit avataanut nuunneqarnikuuppat?
8. Avataanut pisassanik nuussisoqartarsimappat aalisartut niuffatigalugit pisassaannut (kvote) ukiut tallimat iluanni qanoq sunniuteqarnikuuppat?
9. Kvotellit pisassaatininnik qanoq appaaffigineqarnikuuppat?

(Inatsisartunut ilaasortaq Karl Tobiassen, Siumut)

**Tungavilersuut:**

Taamatut apeqquteqarnissaq pisariaqatilerpara Aalisarnermut Piniarnermut Naalackersuisoq 22. februar 2022 Qanoruukkoornermini oqariartuutaai pissutsinut piviusunut ataqqatigiinngippallaarsorigakkat.



Kissaatigaara apequtima ullut suliffiusut 10-it iluini akineqarnissaat.